

【天玉經】

作者：楊筠松，唐朝人，世稱救貧先生，被後世尊為風水祖師。

著作：疑龍經、憾龍經、一粒粟、天玉經、都天寶照經、天元烏兔經。

《內傳上卷》

上卷：敘述以形局為主，運局為輔。並說明玄空二十四山向與九星順逆飛布的秘密，並引伸至巒頭山水與理氣間的乘氣立向法和陰陽零正的運用等。

江東一卦從來吉，八神四個一。江西一卦排龍位，八神四個二。南北八神共一卦，端的應無差。二十四龍管三卦，莫與時師話，忽然知得便通仙，代代鼓駢闐。天卦江東掌上尋，知了尋千金，地畫八卦誰能會，山與水相對。父母陰陽仔細尋，前後相兼定，前後相兼兩路看，分定兩邊安。卦內八卦不出位，代代人尊貴，向水流歸一路行，到處有聲名，龍行出卦無官貴，不用勞心力，只把天醫福德裝，未解見榮光。倒排父母蔭龍位，山向同流水，十二陰陽一路排，總是卦中來。關天關地定雌雄，富貴此中逢，翻天覆地對不同，秘密在玄空。三陽水向盡源流，富貴永無休，三

陽六秀二神富，立見入朝堂。水到御街官便至，神童狀元出，應綬若然居水口，御街近台輔，瑟瑟鼓角隨流水，豔豔紅旆貴。上按三才并六運，排定陰陽算，下按玉輦桿門流，龍去要回頭。六見分明號六龍，名姓達天聰，正山正向流支上，寡夭遭刑杖。共路兩神爲夫婦，認取真神路，仙人秘密定陰陽，便是真龍岡。陰陽二字看零正，坐向須知病，若遇正神正位裝，撥水入零堂，零堂正向須知好，認取來山腦，水上排龍點位裝，積粟萬餘倉。正神百步始成龍，水短便遭凶，零神不問長和短，吉凶不同斷。父母排來到子息，須生認生剋。水上排龍照位分，兄弟更子孫。二十四山分兩路，認取五行生，龍中交戰水中裝，便是正龍陽，前面若無凶交破，莫斷爲凶禍，凶星看在何公頭，仔細認蹤由。先定來山後定向，聯珠不相放，須知細覓五行蹤，富貴結全龍。五行若然翻值向，百年子孫旺，陰陽配合亦同論，富貴此中尋。東西父母三般卦，算值千金價，二十四路出高官，緋紫入長安，父母不是未爲好，無官只豪富。父母排來看左右，向手分休咎，雙山雙向水零神，富貴永無貧；若遇正神須敗絕，五行當分別，隔向一神仲子當，千萬細推詳。若行公位看順逆，接得方奇特，公位若來見逆龍，男女失其蹤。更看父母下三吉，三般卦第一。

《內傳中卷》

中卷：敘述以運局爲主，形局爲輔。並說出八宅風水學是偽法，繼而仔細地說出玄空二十四山向與天地人三卦之關係，並將正向、兼向和出卦的運用也一併公開出來。

二十四山起八宮，貪巨武輔雄，四邊盡是逃亡穴，下後令人絕。惟有挨星爲最貴，洩漏天機密，天機若然安在內，家活當富貴，天機若然安在外，家活漸退敗。五星配出九星名，天下任橫行。干維乾艮巽坤壬，陽順星辰輪。支神坎震離兌癸，陰卦逆行取。分定陰陽歸兩路，順逆推排去，知生知死亦知貧，留取教兒孫。天地父母三般卦，時師未曾話，玄空大卦神仙說，本是此經訣，不說宗枝但亂傳，開口莫胡言，若還不信此經文，但覆古人墳。分卻東西兩個卦，會者傳天下，學取仙人經一宗，切莫亂談空，五行山下問來由，入首便知蹤。分定子孫十二位，災禍相連值，千災萬禍少人知，剋者論宗枝。五行位中出一位，仔細秘中記，假如來龍骨不真，從此誤千人。一個排來千百個，莫把星辰錯，龍要合向向合水，水合三吉位，合祿合馬合官星，本卦生旺尋，合凶合吉合祥瑞，何法能趨避，但看太歲是何神，立地見分明，成敗定斷何公位，三合年中是。排星仔細看五行，看自何卦生，來山八卦不知蹤，八卦九星空

，順逆排來各不同，天卦在其中。甲庚丙壬俱屬陽，順推五行詳，乙辛丁癸俱屬陰，逆推論五行，陰陽順逆不同途，須向此中求，九星雙起雌雄異，玄關真妙處。東西二卦真神異，須知本向水，本向本水四神奇，代代著緋衣。水流出卦有何全，一代作官員，一折一代爲官祿，二折二代福，三折父母共長流，馬上錦衣遊，馬上斬頭水出卦，一代爲官罷，直山直水去無翻，場務小官班。

《內傳下卷》

下卷：敘述以形局與運局並用，相輔相成。利用實例來說明巒頭山水如何與理氣相配的運用，並將各種玄空水法和兼山兼向的密秘也穩約地交待了。

乾山乾向水朝乾，乾峰出狀元，卯山卯向迎源水，驟富石崇比，午山午向午來堂，大將值邊疆，坤山坤向水坤流，富貴永無休。辨得陰陽兩路行，五星要分明，混鯁浪裡跳龍門，渤海便翻身。依得四神爲第一，官職無休息，穴上八卦要知情，穴內卦裝清。要求富貴三般卦，出卦家貧乏，寅申巳亥水來長，五行向中藏，辰戌丑未叩金龍，動得永不窮，若還借庫富後貧，自庫樂長春。大都星起何方是，五行長生旺，大旆相對起高岡，職位在學堂，捍門官國華表起，山水亦同例，水秀峰奇出大官，四位一般看。坎離水火中天過，龍墀移帝座。

寶蓋鳳闕四維朝，寶殿登龍樓。罡劫弔殺休犯著，四墓多銷鑠。金枝玉葉四孟裝，金廂玉印藏。帝釋一神定縣府，紫微同八武，倒排父母養龍神，富貴萬餘青。識得父母三般卦，便是真神路，北斗七星去打劫，離宮要相合。子午卯酉四龍岡，作祖人財旺，水長百里佐君王，水短便遭傷。識得陰陽兩路行，富貴達京城，不識陰陽兩路行，萬丈火坑深。前兼龍神前兼向，聯珠莫相放，後兼龍神後兼向，排定陰陽算，明得零神與正神，指日入青雲，不識零神與正神，代代絕除根。倒排父母是真龍，子息達天聰，順排父母倒子息，代代人財退。一龍宮中水便行，子息受艱辛，四三二一龍逆去，四子均榮貴，龍行位遠主離鄉，四位發經商。時師不識挨星學，只作天心撲，東邊財穀引歸西，北到南方推，老龍終日臥山中，何當不易逢，此是自家眼不的，亂把山岡覓。世人不知天機秘，洩破有何益，汝今傳得地中仙，玄空妙難言，翻天倒地更玄玄，大卦不易傳。更有收山出煞訣，亦兼爲汝說。相逢大地能幾人，個個是知心，若還求地不種德，穩口深藏舌。